


| | | | |
|--|-----------------------|---------------------------|---------------|
|  <p>Anoetako Udala Gipuzkoa</p> | | DOKUMENTUA: | AKTA |
| | | Lehendakariaren errubrika | DATA: |
| | IZENA: 20191202ba.akt | ONARTZE DATA: | 2019 – xx -xx |
| | | ORRIALDEA: | 14 (e)tik 1 |

UDAL BATZARRAREN OSOKO BILKURA

EGUNA: 2019 - 12 - 02

ORDUA: 19:00

IZAERA: EZOHIOA

LEHENDAKARIA:

PEDRO MARIA ESTANGA LASA jauna.

ZINEGOTZIAK:

- SAIOA TOLOSA ZUBELZU andrea.
- AMAIA URKOLA AROZENA andrea.
- AITZOL ESANOLA ZUBELDIA jauna.
- ESTHER IZTUETA CELAYA andrea.
- JOKIN TOLOSA ZABALA jauna.
- RAFAEL URIBARREN AXPE jauna.
- AGURTZANE NUÑEZ YARZA andrea.
- NURIA CARBONELL MIRANDA andrea.
- JAIME PEON ORMAZABAL jauna.


ETORRI EZ DIREN ZINEGOTZIAK:

- AITZOL AROZENA ZUFIRIA jauna.

IDAZKARIA:

JUAN ANTONIO BENGOETXEA URKIZU jauna. Alegiako Udaleko Idazkari-Kontuhartzailea, jarduneko Idazkari-Kontuhartzailea. [Azaroaren 29ko Foru Agindua

ANOETAKO UDAL BATZARRAREN OSOKO BILKURAK

| | | | |
|--|-----------------------|---------------------------|--------------------|
|  <p>Anoetako Udala Gipuzkoa</p> | | DOKUMENTUA: | AKTA |
| | | Lehendakariaren errubrika | DATA: |
| | IZENA: 20191202ba.akt | ONARTZE DATA: | 2019 – xx -xx |
| | | ORRIALDEA: | 14 (e)tik 2 |

FA-GO-2019-1726, non ebazten den, Juan Antonio Bengoetxea Urkizuri, Anoetako Udaleko, Osoko Bilkurak 2019ko abenduaren 2an egin beharrezko ezohiko bileran idazkari lanak egiteko mandatua.]

Anoetan, udaletxeko bilera aretoan, aurrez egindako deira, bi mila eta hemeretzi abenduaren bian, hemeretzi ordu direla, Udalaren Batzar Osoa biltzen da ezohiko saioan, goian aipatzen diren zinegotziak partaide direla, Pedro Maria Estanga Lasa jauna alkatearen lehendakaritzapean.

Bertan aurkitzen da Juan Antonio Bengoetxea, Udalaren Idazkaria, eta zinpean ekitaldiaren berri jasotzen du.

Dokumentuan erabiltzen diren akronimoak:
EH BILDU: Euskal Herria Bildu eta Udal talde Politikoa.
EAJ-PNV: Eusko Alderi Jeltzalea- Partido Nacionalista Vasco.


AZTERGAIK

I.- ERABAKIAK

- 1.- Loatzo Musika Eskolako estutuen aldaketa onesteko proposamena.
- 2.- Nafarroako erdialdeko uholdeen aurrean hitzarmenerako proposamena.
- 3.-Raimundo Mendiburu Abad, udal arkitekto ahokulariaren bateragarritasunaren adierazpena.
- 4.- EH BILDU taldearen adierazpena Euskararen Eguna dela eta.
- 5.- Azaroaren 25, emakumeen kontrako indarkeria ezartzeko nazioarteko eguna dela eta, EH BILDUK aurkezturiko adierazpena instituzionala.

Anoeta, 2019ko azaroak 28

Alkateak

| | | | |
|---|-----------------------|---------------------------|--------------------|
|  <p>Anoetako Udala Gipuzkoa</p> | | DOKUMENTUA: | AKTA |
| | | Lehendakariaren errubrika | DATA: |
| | IZENA: 20191202ba.akt | ONARTZE DATA: | 2019 – xx -xx |
| | | ORRIALDEA: | 14 (e)tik 3 |

I.- ERABAKIAK

1.- LOATZO UDALERRIEN MANKOMUNITATEKO ESTATUTUEN ALDAKETA EGITASMOA. ERABAKI PROPOSAMENA.

I.- Alkateak hitza hartu eta azaltzen ditu, aldaketaren helburu nagusiak, eta espedienteak orain arte egin duen ibilbide administratiboa. Honen berri zabala izan duela dagokion Batzorde Txostenemaileak, eta gaia aztertu ondoren, bat egin duela idazkaritza-kontuhartzaitzako txostenean jaso den, erabaki proposamenarekin, aldeko erizpena emanez.

ERABAKI PROPOSAMENA:

LEHENA: Loatzo Udalerriren Mankomunitatearen Administrazio Batzordeak 2019/05/22ko bilkuran, erakundearen estatutuan **onartu dituen aldaketak, bideratuak izan diren era berean eta bere osotasunean onartu.**

BIGARRENA: Erabaki hau jakinarazi legezko eran Loatzo Udalerriren Mankomunitateari espedientearen bideratzearekin jarraitzeko.

II.- Parte hartze txandarik ez da eskatzen, eta zuzenean bozketara jartzen da gaia.


Bozketeta eta erabakiak:

Alkateak bozketara jartzen du erabaki proposamena, eta honako emaitzak jasotzen dira:

- 1) Alde bozkatzen dute: EH-BILDU taldeko sei boto, eta EAJ-PNVko taldeko lau boto. Beraz, hamar boto aldeko, aho batez.
- 2) Aurka bozkatzen dute: Aurkako botorik ez dago.

Legezko hamaika botoetatik, aldeko hamar boto, aurkakorik gabe, beraz aho batez, nahiko eta beharrezko erabateko gehiengo osatzen dutela, **erabaki proposamena onartzen da aurkeztutako era berean.**

ERABAKIAK:

| | | | |
|--|-----------------------|---------------------------|--------------------|
|  <p>Anoetako Udala Gipuzkoa</p> | | DOKUMENTUA: | AKTA |
| | | Lehendakariaren errubrika | DATA: |
| | IZENA: 20191202ba.akt | ONARTZE DATA: | 2019 – xx -xx |
| | | ORRIALDEA: | 14 (e)tik 4 |

LEHENA: Loatzo Udalerrien Mankomunitatearen Administrazio Batzordeak 2019/05/22ko bilkuran, erakundearen estatutuan **onartu dituen aldaketak, bideratuak izan diren era berean eta bere osotasunean onartu.**

BIGARRENA: Erabaki hau jakinarazi legezko eran Loatzo Udalerrien Mankomunitateari espedientearen bideratzearekin jarraitzeko.

2.- NAFARROAKO ERDIALDEKO UHOLDEEN AURREAN HITZARMENERAKO PROPOSAMENA.

I.- Alkateak hitza hartu eta azaltzen du, iragan uztailean Nafarroako erdialdean jasan izan zituen eurite eta ondorengo uholdean eragin zituzten kalteei aurre egin ahal izateko aurkeztu zen dirulaguntza eskariari erantzuteko, dagokion Batzorde Txostenemaileak, eskaria aztertu ondoren, bat egin zuela eskarian azaldutakoarekin, eta solidaritatea eta babesa eskaintzeaz gain, 800,00€ko zuzeneko dirulaguntza emateko erabaki proposamena egin zuela.

II.- Parte hartze txandarik ez da eskatzen, eta zuzenean bozketara jartzen da gaia.

Bozketa eta erabakiak:

Alkateak bozketara jartzen du erabaki proposamena, eta honako emaitzak jasotzen dira:


- 1) Alde bozkatzen dute: EH-BILDU taldeko sei boto, eta EAJ-PNVko taldeko lau boto. Beraz, hamar boto aldeko, aho batez.
- 2) Aurka bozkatzen dute: Aurkako botorik ez dago.

Aldeko hamar boto, aurkakorik gabe, beraz aho batez, erabaki proposamena onartzen da aurkeztutako era berean.

ERABAKIA:

Lehen.- “Asociación de vecinos Auzotar” 800,00€ko zuzeneko diru-laguntza eman aipatutako helburuarekin.

Bigarren.- Erabakia jakinarazi onuradunari eta kontuhartzaitzako eta diruzaintzako arduradunei onartutako laguntza bideratzeko.

| | | | |
|--|---------------------------|---------------|--------------------|
|  <p>Anoetako Udala Gipuzkoa</p> | Lehendakariaren errubrika | DOKUMENTUA: | AKTA |
| | | DATA: | 2019 - XII - 02 |
| | IZENA: 20191202ba.akt | ONARTZE DATA: | 2019 – xx -xx |
| | | ORRIALDEA: | 14 (e)tik 5 |

3.- RAIMUNDO MENDIBURU ABAD, UDAL ARKITEKTO AHOKULARIAREN BATERAGARRITASUNAREN ADIERAZPENA.

I.- Alkateak hitza hartu eta azaltzen du, denen jakinekoa denez, Udalaren hirigintzako gaietako laguntza teknikoa eta aholkularitza ematen duen Raimundo Mendiburu Abad, arkitektoak, Anoetako udalarekin zerbitzu profesionalak eskaintzeko kontratua duela. Irailetik hasi dela baita, Galdakaoko udalean bere zerbitzu profesionalak ematen. Honen aurrean eskatu dutela argitzea eta bateragarritasunari buruzko adierazpena egitea. Dagokion batzordean gaia aztertu eta adierazpena egiteko proposamena egiteko erizpena eman zela.

II.- Zuzenean, jarduneko Idazkari-Kontuhartzaileak, azaltzen du, kasu honetan, teknikari profesionala, arkitektoen Elkargo Ofizialean kolegiatutakoaren zerbitzu profesionalak izanik, laguntza tekniko eta aholkularitzarako zereginetarako kontratatuak, sektore publikoaren kontratuen legedi orokorra jarraituz, eginkizun bateragarriak direla, udal bakoitzarekin adostutako baldintzetan. Ez duela zuzeneko eraginik, funtzionario eta langile publikoentzako legedi orokorrak arautzen duen bateraezintasunari buruzko mugak. Edozein kasutan, ezinezkoa duela partikularrei, Udalerrian eragina duen ekintzetan bere zerbitzu profesionalik eman.

III.- Parte hartze txandarik ez da eskatzen, eta zuzenean bozketara jartzen da gaia.

Bozketak eta erabakiak:


Alkateak bozketara jartzen du erabaki proposamena, eta honako emaitzak jasotzen dira:

- 1) Alde bozkatzen dute: EH-BILDU taldeko sei boto, eta EAJ-PNVko taldeko lau boto. Beraz, hamar boto aldeko, aho batez.
- 2) Aurka bozkatzen dute: Aurkako botorik ez dago.

Aldeko hamar boto, aurkakorik gabe, beraz aho batez, erabaki proposamena onartzen da aurkeztutako era berean.

ERABAKIA:

Rai Mendiburu Abad, arkitektoak, Anoetako Udalarentzako laguntza teknikoa eta aholkularitza profesionalak eskaintzeko duen Sektore Publikoko Legearen

| | | | |
|--|---------------------------|---------------|--------------------|
|  <p>Anoetako Udala Gipuzkoa</p> | Lehendakariaren errubrika | DOKUMENTUA: | AKTA |
| | | DATA: | 2019 - XII - 02 |
| | IZENA: 20191202ba.akt | ONARTZE DATA: | 2019 – xx -xx |
| | | ORRIALDEA: | 14 (e)tik 6 |

babesean sinatutako kontratuaren arabera, bateragarria gertatzen dela, Galdakaoko Udalarentzako eskaintzen dituen zerbitzu profesionalarekin.

4.- EH BILDU TALDEAREN ADIERAZPENA EUSKARAREN EGUNA DELA ETA.

I.- Alkateak hitza hartu eta azaltzen ditu abenduaren 3an euskararen eguna izanik, Euskara Batzordeak, 2019/11/19an eginiko bileran eginiko 2019ko Euskararen nazioarteko eguneko erakundearen adierazpena onartzeko proposamena. Hitzez-hitz honela dio testuak:

“2019KO EUSKARAREN NAZIOARTEKO EGUNeko ADIERAZPENA ONARTZEKO PROPOSAMENA

*Euskara batzordeak, 2019ko azaroaren 19an eginiko bileran gai hau aztertu zuen:
3. Euskararen Nazioarteko Eguna.*

Gai honen barruan, besteak beste, aipatu da BILDUK adierazpen zehatzagoa proposatu nahi duela eta Udalbatzara eramango duela, onartua izateko. Batzordekideei kopia banatu die, Udalbatza baino lehen azter dezaten. Hau da testua:

EH Bilduren erakunde adierazpena Euskararen Eguna dela eta Zioa


Aurten, 60 urte betetzen dira Eusko Ikaskuntzak, 1949. urtean, Euskararen Nazioarteko Eguna abenduaren 3an ospatzea erabaki zuenetik. Hirurogei urte igaro arren, oraindik orain, Euskal Herriko hizkuntza berreskuratzeko premia larriak bere horretan dirau.

Egia da euskaltzale eta ekintzaile askoren ahaleginak ez direla alferrikakoak izan, eta euskara orain dela 50 urte baino hobeto dagoela, askoz hobeto, baina ez aski.

Egia da, azken urteotan, lortu dugula Euskal Herriko lurralde guztietan aurrera urrats esanguratsuak egitea ere. Egun, inoiz ez bezala, euskaldunok berariazko erakundeak daukagu: Araban, Bizkaian eta Gipuzkoan, alde batetik; Lapurdin, Nafarroa Beherean eta Zuberoan, bestetik; eta Nafarroa Garaian, azkenik. Baina ez daukagu hizkuntza politika bateraturik. Eta, gaur gaurkoz, asko egin dezakegu hainbat eremutatik hasita.

Badakigu, nola ez, edozein hizkuntza gutxituren arazo behinena, transmisioetik harago, erabilera dela, hizkuntza biziberritzea berau erabiltzea dela, alegia. Baina euskararen erabilera, xedea bada ere, ez da areagotuko, oinarrian ez badu hiztun talde zabala, sendoa, trinkoa eta engaiatua.

Hizkuntza gutxitu baten normalizazio prozesuaz ari garenean bi elementu izaten ditugu beti buruan. Batetik, hizkuntza hori normalizatzeko pertsonen hizkuntza gutxitua ezagutu behar dute, eta, bestetik, pertsona horiek hizkuntza erabili ahal izateko espazioak behar dituzte. Biak ala biak dira beharrezkoak, baldin eta hizkuntza hori normalizatuko bada.

| | | | |
|--|---------------------------|---------------|-----------------|
|  <p>Anoetako Udala Gipuzkoa</p> | Lehendakariaren errubrika | DOKUMENTUA: | AKTA |
| | | DATA: | 2019 - XII - 02 |
| | IZENA: 20191202ba.akt | ONARTZE DATA: | 2019 – xx -xx |
| | | ORRIALDEA: | 14 (e)tik 7 |

Horregatik diogu lurgune euskaldunek edo arnasmune geografikoek berebiziko garrantzia dutela euskararen normalizazio prozesuan. Euskaldun kopuru handia duten herriak eta auzoak dira euskaraz normaltasunez eta naturaltasunez bizi direnak, eta normalizatutako edozein hizkuntzak bete beharko lituzkeen funtzioak betetzen ditu euskarak, herri horien egunerokoan.

Baina urrats berriak egin behar dira, lurgune euskaldunen eta arnasmuneen garapen iraunkorra bermatzeko oinarriak proposatuz. Izan ere, eremu horiek sendotzean eta zabaltzean datza normalizazio prozesu orokorraren arrakasta, hein handi batean.


Ugari dira berariazko lanketa eskatzen duten alorrak, eta horien guztien artean bada bat gizarte bizitzaren erdigunean dagoena: ekonomia, lana eta kontsumoa biltzen dituen arloa, hain zuzen ere, gizartearen eta herritarron bizitzaren motor nagusia baita.

Arlo sozioekonomikoak eta euskararen erabilera elkarri egin behar dioten ekarpenaren garrantzia ez da gutariko inorentzat ezezaguna. Bai baitakigu ez dela hizkuntza normalizaziorik lanaren, ekonomiaren eta kontsumoaren munduan erro sakonik ez duenik. Sendoak dira, alor horretan ere, eragile nagusiak egiten ari diren urratsak. Eta horietan lehena, zalantzarik gabe, euskararen erabilera askotariko erakundeen izaeraren ezaugarrien artean txertatzea dago.

Erakunde adierazpen proposamena:

Hori horrela, Anoetako Udal erakunde honek, honako konpromisoak hartzen dituela adierazten du 2019ko Euskararen Nazioarteko Egundon:

- 1. Erakundeak lehentasunez erabiltzea euskara, bere jakinarazpen eta gainerako erakunde, hornitzaile zein elkarteekiko harremanetan.*
- 2. Gure administrazio publikoaren kontratuetan hizkuntza irizpideak zehaztea eta ezartzea.*
- 3. Administrazio publikoen kontratazioetan ziurtagiriak —Bikain eta Bai Euskarari, besteak beste— bateratu eta indartzeko neurriak hartzea.*
- 4. Euskararen erabilera sustatzen duten hainbat tresna sustatzea. Hala nola, softwarea eta oinarriko aplikazioak euskaraz, astialdirako IKT produktuak, .eus domeinua eta euskararen erabilera interneten.*
- 5. UEMA babestu, indartu eta zabaltzea.*
- 6. Urte askotako hitzarmenak sustatzea euskarazko tokiko komunikabideen jasangarritasun ekonomikoa eta egonkortasuna bermatzeko.*
- 7. Euskararen erabilera eta presentzia bermatzea erabiltzen ditugun komunikabide guztietan.*
- 8. Kirol arloa euskalduntzeko bidean lan egitea, federazioarekin eta tokiko klubekin elkarlanean.*
- 9. Gazteentzako euskarazko aisialdi zerbitzuak sustatu eta zabaltzea.*
- 10. Familia eremuetan euskararen erabilera eta transmisioa sustatzea.*
- 11. Migratzaileentzako laguntza ildoak aktibatzea, euskara ikasteko eta euskal kulturara hurbiltzeko aukera izan dezaten.*
- 12. Enpresetan euskararen erabilera normalizatzeko ekimenak aktibatzea, euskara laneko eta zerbitzuetako hizkuntza izan dadin.*
- 13. Jarduera arau emailea garatzea, enpresetan euskara erabiltzeko planak indarrean jartzeko.*

| | | | |
|--|-----------------------|---------------------------|--------------------|
|  <p>Anoetako Udala Gipuzkoa</p> | | DOKUMENTUA: | AKTA |
| | | Lehendakariaren errubrika | DATA: |
| | IZENA: 20191202ba.akt | ONARTZE DATA: | 2019 – xx -xx |
| | | ORRIALDEA: | 14 (e)tik 8 |

14. Eremu guztietako eragileekin —hau da, enpresa elkarteekin, sindikatuekin, gremioekin, merkataritza ganbarekin eta beste hainbat erakunderekin— akordioak lortzea, euskararen normalizazioa bultzatzeko lana har dezaten.

15. Herriko gizarte eragile eta euskalgintzarekin batera elkarlanari eustea. Batzordeak honako hau proposatzea erabaki du:

1. Bilduk proposatutako adierazpena Udalbatzak onar dezan proposatzea.

Euskara teknikaria

Euskara batzordeburua”

II.- Honen berri zabala izan duela dagokion Batzorde Txostenemaileak, eta gaia aztertu ondoren, aldeko irizpena eman duela.

III.- Parte hartze txandarik ez da eskatzen, eta zuzenean bozketara jartzen da gaia.

Bozketa eta erabakiak:

Alkateak bozketara jartzen du erabaki proposamena, eta honako emaitzak jasotzen dira:


- 1) Alde bozkatzen dute: EH-BILDU taldeko sei boto, eta EAJ-PNVko taldeko lau boto. Beraz, hamar boto aldeko, aho batez.
- 2) Aurka bozkatzen dute: Aurkako botorik ez dago.

Aldeko hamar boto, aurkakorik gabe, beraz aho batez, erabaki proposamena onartzen da aurkeztutako era berean.


ERABAKIAK:

Anoetako Udal erakunde honek, honako konpromisoak hartzen dituela adierazten du 2019ko Euskararen Nazioarteko Egundon honetan:

1. Erakundeak lehentasunez erabiltzea euskara, bere jakinarazpen eta gainerako erakunde, hornitzaile zein elkarteekiko harremanetan.
2. Gure administrazio publikoaren kontratuetan hizkuntza irizpideak zehaztea eta ezartzea.

| | | | |
|--|---------------------------|---------------|--------------------|
|  <p>Anoetako Udala Gipuzkoa</p> | Lehendakariaren errubrika | DOKUMENTUA: | AKTA |
| | | DATA: | 2019 - XII - 02 |
| | IZENA: 20191202ba.akt | ONARTZE DATA: | 2019 – xx -xx |
| | | ORRIALDEA: | 14 (e)tik 9 |

3. Administrazio publikoen kontratazioetan ziurtagiriak —Bikain eta Bai Euskarari, besteak beste— bateratu eta indartzeko neurriak hartzea.
4. Euskararen erabilera sustatzen duten hainbat tresna sustatzea. Hala nola, softwarea eta oinarritzko aplikazioak euskaraz, astialdirako IKT produktuak, .eus domeinua eta euskararen erabilera interneten.
5. UEMA babestu, indartu eta zabaltzea.
6. Urte askotako hitzarmenak sustatzea euskarazko tokiko komunikabideen jasangarritasun ekonomikoa eta egonkortasuna bermatzeko.
7. Euskararen erabilera eta presentzia bermatzea erabiltzen ditugun komunikabide guztietan.
8. Kirol arloa euskalduntzeko bidean lan egitea, federazioarekin eta tokiko klubekin elkarlanean.
9. Gazteentzako euskarazko aisialdi zerbitzuak sustatu eta zabaltzea.
10. Familia eremuetan euskararen erabilera eta transmisioa sustatzea.
11. Migratzaileentzako laguntza ildoak aktibatzea, euskara ikasteko eta euskal kulturara hurbiltzeko aukera izan dezaten.
12. Enpresetan euskararen erabilera normalizatzeko ekimenak aktibatzea, euskara laneko eta zerbitzuetako hizkuntza izan dadin.
13. Jarduera arau emailea garatzea, enpresetan euskara erabiltzeko planak indarrean jartzeko.
14. Eremu guztietako eragileekin —hau da, enpresa elkarteekin, sindikatuekin, gremioekin, merkataritza ganbarekin eta beste hainbat erakunderekin— akordioak lortzea, euskararen normalizazioa bultzatzeko lana har dezaten.
15. Herriko gizarte eragile eta euskalgintzarekin batera elkarlanari eustea. Batzordeak honako hau proposatzea erabaki du:

| | | | | |
|--|---------------------------|-------------|---------------|---------------------|
|  <p>Anoetako Udala Gipuzkoa</p> | | DOKUMENTUA: | AKTA | |
| | | | DATA: | 2019 - XII - 02 |
| | Lehendakariaren errubrika | | ONARTZE DATA: | 2019 – xx -xx |
| | IZENA: 20191202ba.akt | | ORRIALDEA: | 14 (e)tik 10 |

5.- AZAROAREN 25, EMAKUMEEN KONTRAKO INDARKERIA EZARTZEKO NAZIOARTEKO EGUNA DELA ETA, EH BILDUK AURKEZTURIKO ADIERAZPENA INSTITUZIONALA.

I.- Alkateak hitza hartu eta azaltzen erakundearen adierazpena onartzeko proposamena. Hitzez-hitz honela dio testuak:

“AZAROAK 25, EMAKUMEEN KONTRAKO INDARKERIA EZABATZEKO NAZIOARTEKO EGUNA

ADIERAZPEN INSTITUZIONALA

Azaroaren 25a, emakumeen kontra burutzen den indarkeria mota oro, guztiz onartezina dela esateko eguna da; gainera, indarkeria sortzen duten eragile eta egitura guztiak errefusatzeko ditugula esateko eguna da, eta gure herrian ez dugula ez bakerik ez normalizaziorik izango emakume izate hutsagatik emakumeak hiltzen eta erasotzen jarraitzen den bitartean aldarrikatzeko eguna. Horregatik, egun honetan erakunde publikoak, borroka horretan dugun lehentasunezko eragile-izaera berretsiz, konpromiso zehatzak hartu behar ditugu.


Beraz, Anoetako Udaleko EH Bilduko taldeak honako adierazpen instituzional hau aurkeztu nahi du, Osoko Bilkuran eztabaidatu eta ondoren onartzeko.

ZIOA:

Azaroaren 25a “Emakumeen kontrako indarkeria ezabatzeko nazioarteko eguna” dela-eta, Anoetako Udal honek, bere egiten du gure lurralde, herrialde eta herriak, indarkeria matxistarik gabeko gune gisa eraikitze ardua. Eta lehentasunezko konpromiso politikoa berresten du indarkeria mota horren adierazpen guztien kontrako borrokan, egiturazko jatorriaren eta betikotzen duen normalizazioan eraginez, orden sozial patriarkala ezinbestez aldatzeko eta, emakumeak libre biziko diren justizian eta berdintasunean oinarritutako elkarbizitza eta emakumeen eta gizonen arteko harreman ereduak errealitate bihurtzeko xedez.

Euskal Herrian, estatistikak aspalditik ari dira agerian uzten indarkeria matxistak gora egiten jarraitzen duela: urtea hasi denetik 3 emakume erail dituzte. Hala ere, ezin dugu ahaztu indarkeria honen adierazpen gehienek, egunero gertatzen direnak, normalizatuak eta inbisibilizatuak jarraitzen dutela.

Nola hedabideak, publizitatea, telebista, hezkuntza ereduak, emakumeen errepresentazio justuaren falta eremu guztietan edo euren presentzia genero estereotipo eta rol diskriminatzaileak bultzatuz, hala sinesmenak, praktikak eta jarrerak, besteak beste, injustuak den eta emakumeak gutxiesten dituen orden sozialaren parte dira. Orden hori soziala, kulturala, ekonomikoa eta sinbolikoa da, bizitzaren arlo guztiak blaitzen ditu, publikoak nahiz pribatuak, eta, emakumeak genero mandatu patriarkalapean izateko asmoz, indarkeria matxistaren adierazpen guztiak erabiltzen ditu.

| | | | |
|--|---------------------------|---------------|-----------------|
|  <p>Anoetako Udala Gipuzkoa</p> | Lehendakariaren errubrika | DOKUMENTUA: | AKTA |
| | | DATA: | 2019 - XII - 02 |
| | IZENA: 20191202ba.akt | ONARTZE DATA: | 2019 – xx -xx |
| | | ORRIALDEA: | 14 (e)tik 11 |

Erailketa matxistek gero eta arreta mediatiko gehiago erakartzen duten heinean, (gehienetan emakumeak berbiktimizatzeko edo erantzukizuna emakumeengan uzteko errelatoekin), jendarreak irmoki gaitzesten ditu. Gure ardurak, ordea, haratago joan behar du: indarkeria mota latz hauek legitimatzen eta errazten dituzten indarkeria matxistak, mezu eta adierazpen desberdinen bidez egindakoak guztiak, ikusarazi behar baititugu: jendarrean onarpen zabala dutenak eta normalizatuak mantentzen direnak, emakumeek egunero jasaten dituztenak, eta hala izan ez arren intentsitate baxu gisako identifikatzen direnak. Besteak beste, musika munduko hainbat letra zein jarrerek, filme zein bideojokoetako rolek edo hedabideek transmititzen duten indarkeria sinbolikoaz ari gara, emakumeen bizitzak eta gorputzak kontrolatzeko saiakerak, eremu guztietan femininotzat jotzen denaren gutxiespenenaren bidez gauzatzen den indarkeria psikologikoaz edo soldata txarretan edo lan baldintza prekarioetan antzeman dezakegun indarkeria ekonomikoaz ari gara.

Aurten, mugimendu feministaren beste mugarrri batean, milaka emakumek hartu dituzte Euskal Herriko kaleak, aski dela ozen esateko; milaka emakumek planto egin dute emakumerik gabe mundua gelditzen dela bisibilizatzeko; eta beste horrenbestek aldarrrikatu dute sistema judiziala patriarkala dela eta emakumeak babestu beharrean ardura haien bizkar uzten ari dela esan dutenak, erasotzaileak justifikatuz.


Feminismoak erakutsi digu errealitate bat aipatzeak ikusgai bihurtzen duela: indarkeria, bere adiera guztietan, gizonen eta emakumeen arteko egiturazko ezberdintasunak mantentzeko tresna nagusietako bat den heinean, ikusezin bihurtu da eta alderdi pertsonalei garrantzi handiegia ematen zaie, eta ikusarazi nahi digute indarkeriazko gertakariak arrazoi pertsonalen ondorio direla eta ez arrazoi sozialen ondorio. Ez da nahikoa indarkeria-adierazpen jakin batzuk aipatu eta salatzea, horrelako gertakari latz bat gertatzen den bakoitzean; gertakaria eragin duten arrazoietara jo behar da, sustraira jo behar da, eta hori egitera, erakundeon ardura ere bada.

Zeharkako esku hartze integralak eta iraunkorrak abian jarri behar ditugu: berbiktimizazioa baztertuta, emakumeak subjektu aktibo gisa hartuko dituzten esku hartzeak; errudun bilakatuko ez dituen esku hartzeak eta, ahots propioa, eragile aktibo diren neurrian, aitortuko dizkieten esku hartzeak. Horretaz gain, bermatu behar ditugu genero ikuspegi ahalduztaileak barnebiltzen duen artatze sistema eta erreparazio prozesuak, bai banakoak, bai kolektiboak. Giza eskubideaz ari garen heinean, instituzioen betebeharra da, alegia, mota guztietako indarkeriarik gabeko bizitzak izateko eskubideaz.

Eta zeregin hori, gure egin behar dugun konpromiso hori, gizartea osatzen dugun eragile guztiok gure egin behar dugu, hala egiten ez badugu, indarkeria matxistari eusten jarraituko dugulako. Denon erantzukizuna delako bakoitzaren eragin-eremutik aurre egitea, indarkeria matxista sortzen, biderkatzen edo normalizatzen duten heinean gure instituzio eta erakunde aldatzea: erakunde publikoak, kultur-eragileak, hedabideak, lan-arloko eragileak eta eragile ekonomikoak, ahaztu gabe banakakook dugun ardura.

Tokiko erakundeak, indarkeria matxista guztien kontra jarduteko eremu egokiak dira: erakundeak, eskolak, aisialdi edo kirol guneak, etab., betiere jendarrea osatzen duten kolektibo eta arlo guztien artean burutu beharreko lana da, denok interpelatzen gaituen arazo soziala den eina.

Horregatik, indarkeria matxistaren aurkako nazioarteko egun honetan, sendo adierazi nahi dugu Euskal Herria feminista, justu eta ekitatezko baten aldeko aldarrikapena, bide horren eraikuntzan honako konpromiso hauek gure gain hartuz:

| | | | |
|--|---------------------------|---------------|-----------------|
|  <p>Anoetako Udala Gipuzkoa</p> | Lehendakariaren errubrika | DOKUMENTUA: | AKTA |
| | | DATA: | 2019 - XII - 02 |
| | IZENA: 20191202ba.akt | ONARTZE DATA: | 2019 – xx -xx |
| | | ORRIALDEA: | 14 (e)tik 12 |

PROPOSAMENA:

1.- Anoetako Udal honek, Emakumeen Munduko Martxak bultzatutako indarkeria matxistaren aurreko erantzun-protokoloa bere egiten du.

2.- Anoetako Udal honek Foru Aldundiari eta Emakunderi / Nafarroako Berdintasunerako Institutuari eskatzen die emakume eta gizonen arteko berdintasunaren alorreko aurrekontu-partidak handitzeko, berdintasun-zuzendaritzak eta epaitegi espezializatuak modu iraunkorrean sendotzeko eta indarreko legeria berraztertze konpromisoa hartzeko.

3.- Anoetako Udal honek herritarrentzako, eta bereziki emakumeentzako, dauden baliabideen gaineko informazioa eskuratzeko bideak erraztuko ditu eta dagokion lurralde mailan, indarkeria matxistaren kontrako zerbitzu-sarearen funtzionamendu egokia, elkarlana eta koordinazioa bultzatuko du, beti ere, kontuan hartuz adin txikikoak eta biktimen seme-alabak.

4.- Anoetako Udal honek, neskei, gazteei eta emakume helduei zuzendutako jabeakuntza jarduerak abiatuko ditu, besteak beste ondorengo gaiak jorratu ahal izateko modu iraunkorrean: autodefentsa feminista, bikote harremanak eta harreman sexu-afektiboak, amodio erromantikoak, sexualitate libreak, etab.

5.- Anoetako Udal honek, nerabeei eta gazteei zuzendutako sentsibilizazio eta formazio jarduerak iraunkorrak abiatuko ditu emakume eta gizonen arteko harreman parekideak sustatzeko xedez, zehazki: hezkuntza sexu-afektiboa lantzeko, indarkeria matxisten askotariko adierazpenak desnaturalizatzeko, baiezko onespina lantzeko, maskulinitate ereduak lantzeko, etab.


6.- Anoetako Udal honek, indarkeria matxista jasan duten emakumeen erreparazio eskubidea lantzeko jarduera iraunkorrak martxan jarriko ditu besteren artean, omenaldiak, zineforumak, bisibilizazio ekimenak (kaleen izenak edo jardunaldiak, kasu), kalte-ordainketak, akonpainamendu soziala, etab. jasoz.

7.- Erakunde honetatik, hau da Anoetako Udaletik, borroka feministaren alde hartu dugun konpromisoa berretsi nahi dugu, indarkeriarik gabeko gizarte demokratiko bat eraikitze bide eta tresna nagusia den heinean.

8.- Bat egiten dugu mugimendu feministak azaroaren 25erako deitutako mobilizazioekin, eta jendarte osoari ere dei egiten diogu mobilizazio horretan parte har dezan.

II.- Honen berri zabala izan duela dagokion Batzorde Txostenemaileak, eta gaia aztertu ondoren, aldeko irizpena eman duela.

III.- Parte hartze txandarik ez da eskatzen, eta zuzenean bozketara jartzen da gaia.

| | | | |
|--|---------------------------|---------------|---------------------|
|  <p>Anoetako Udala Gipuzkoa</p> | | DOKUMENTUA: | AKTA |
| | | | DATA: |
| | Lehendakariaren errubrika | ONARTZE DATA: | 2019 – xx -xx |
| | IZENA: 20191202ba.akt | ORRIALDEA: | 14 (e)tik 13 |

Bozketa eta erabakiak:

Alkateak bozketara jartzen du erabaki proposamena, eta honako emaitzak jasotzen dira:

- 1) Alde bozkatzen dute: EH-BILDU taldeko sei boto, eta EAJ-PNVko taldeko lau boto. Beraz, hamar boto aldeko, aho batez.
- 2) Aurka bozkatzen dute: Aurkako botorik ez dago.

Aldeko hamar boto, aurkakorik gabe, beraz aho batez, erabaki proposamena onartzen da aurkeztutako era berean.

ERABAKIAK:

1.- Anoetako Udal honek, Emakumeen Munduko Martxak bultzatutako indarkeria matxistaren aurreko erantzun-protokoloa bere egiten du.


2.- Anoetako Udal honek Foru Aldundiari eta Emakunderi / Nafarroako Berdintasunerako Institutuari eskatzen die emakume eta gizonen arteko berdintasunaren alorreko aurrekontu-partidak handitzeko, berdintasun-zuzendaritzak eta epaitegi espezializatuak modu iraunkorrean sendotzeko eta indarreko legeria berraztertze konpromisoa hartzeko.

3.- Anoetako Udal honek herritarrentzako, eta bereziki emakumeentzako, dauden baliabideen gaineko informazioa eskuratzeko bideak erraztuko ditu eta dagokion lurralde mailan, indarkeria matxistaren kontrako zerbitzu-sarearen funtzionamendu egokia, elkarlana eta koordinazioa bultzatuko du, beti ere, kontuan hartuz adin txikikoak eta biktimen seme-alabak.

4.- Anoetako Udal honek, neskei, gazteei eta emakume helduei zuzendutako jabeakuntza jarduerak abiatuko ditu, besteak beste ondorengo gaiak jorratu ahal izateko modu iraunkorrean: autodefentsa feminista, bikote harremanak eta harreman sexu-afektiboak, amodio erromantikoak, sexualitate libreak, etab.

5.- Anoetako Udal honek, nerabeei eta gazteei zuzendutako sentsibilizazio eta formazio jarduerak iraunkorrak abiatuko ditu emakume eta gizonen arteko harreman parekideak sustatzeko xedez, zehazki: hezkuntza sexu-afektiboa lantzeko, indarkeria matxisten askotariko adierazpenak desnaturalizatzeko, baiezkoko onespina lantzeko, maskulinitate ereduak lantzeko, etab.

6.- Anoetako Udal honek, indarkeria matxista jasan duten emakumeen erreparazio eskubidea lantzeko jarduera iraunkorrak martxan jarriko ditu

| | | | |
|--|-----------------------|---------------------------|---------------------|
|  <p>Anoetako Udala Gipuzkoa</p> | | DOKUMENTUA: | AKTA |
| | | Lehendakariaren errubrika | DATA: |
| | IZENA: 20191202ba.akt | ONARTZE DATA: | 2019 – xx -xx |
| | | ORRIALDEA: | 14 (e)tik 14 |

besteren artean, omenaldiak, zineforumak, bisibilizazio ekimenak (kaleen izenak edo jardunaldiak, kasu), kalte-ordainketak, akonpainamendu soziala, etab. jasoz.

7.- Erakunde honetatik, hau da Anoetako Udaletik, borroka feministaren alde hartu dugun konpromisoa berretsi nahi dugu, indarkeriarik gabeko gizarte demokratiko bat eraikitzeko bide eta tresna nagusia den heinean.

8.- Bat egiten dugu mugimendu feministak azaroaren 25erako deitutako mobilizazioekin, eta jendarte osoari ere dei egiten diogu mobilizazio horretan parte har dezan.

Eta besterik gabe, arratsaldeko zazpiak eta hogeit hamar minutu direla, Alkateak amaitutzat ematen du bilera.

Ontzat Eman
Alkate-Lehendakariak

Idazkariak